

四
明
清
詩
略
續
稿

馮
軒



四明清詩略續稿卷四

張儒珍

字挺秀號英修鎮海人光緒乙亥恩賜副貢乙酉恩賜舉人

家傳略先生家貧傭書自給不苟取予好讀書至老不倦嘗拾遺金候諸途卒還遺者鄉里稱之

書懷

錄一

少年有志慕青雲老去猶觀童子軍知己難逢楊得意愛才始識沈休文幸承家學垂銘遠漫詡經生服古勤今日還思食舊德書香葉葉繼清芬

陳熙績

字希彥鄞人光緒乙亥解元

忻江明曰先生工制舉業爲文邃於理而神明於法門下著錄歲常十數人藉脩脯以自給性耿介尚樸陸己雲師贈序稱其束修自愛文行粹然非諛詞也

和張棟笙廣文原韻

將壽補蹉跎休嫌鬢髮皤知心吾輩少感事老年多咫尺瞻松柏攀援附薦蘿新春風日暖尊酒約頻過

俊三學博赴任誌別

憶昔吾門聚首年
苔岑氣誼早相聯
羨君經術成專席
愧我文章守舊氈
故國暮雲長遠望
異鄉明月幾重圓
多情不作睽違想
順遇秋鴻寄一箋

贈陸漁笙編修

放翁詩句有傳人
筆底清華不染塵
舊是玉皇香案吏
珊珊仙骨見丰神

童揆尊

字莼舫鄞人槐子
光緒乙亥舉人

張肖葦太史以其母旌節李孺人事略見示敬題其後

鄮東之山秀且娟
鄮西之水清且漣
水色清漣珠藏淵
山色秀娟玉石堅
兩間何所有山水
爲樞紐山貞水潔
誰稟受受而全者
惟節嬪吾鄉節嬪
有張母賢孝之稱
徧衆口入門不逮
事翁姑晨昏此心
常負負生事未盡
力死事益盡思治
祭不下樊英

妻更佐孫鍾治葬基共牢舉鴻案侍疾臥牛衣角羈環膝下一
室盡嘻嘻吁嗟罡風陡起拆朋鳥圓鏡劈剖天上飛空幃燈檠
影迷離空倉鼠雀聲酸嘶蚤暮勤刀尺聊以拯寒饑爲九熊爲
畫荻嚴慈交濟心戚戚願兒讀書能有立庶幾地下謂吾稱婦
職人生顯晦會有時枯桐淒斷寡女絲曲終奏雅哀絃更冰消
雪盡春風生母昔閔幽光兒今登玉堂清操旣獲標彤管新阡
又復表瀧岡崇封傳以大手筆遂令壺德千載彰吁嗟乎賢母
之節山貞水潔孝子之心山高水深凡爲人子敬聽之吾將覩
縷罄其辭但恐蓼莪增慟無盡期

陳邦瑞

字瑤圃一字輯侯慈谿人光緒乙亥
舉人丙子進士官至度支部侍郎

高振霄撰行狀略公起儒素以內閣中書充軍機章京歷
任曹郎洊陟卿貳嘗一典順天鄉試屢充閱卷讀卷大臣
識拔寒畯虛心下士休休唯謹有古大臣風在軍機日恭
忠親王深器之以心術純正爲守兼優密保於朝兩宮
亦知公誠篤可大用眷遇日隆庚子匪亂乘輿播越
公痛哭犯難隨扈西行時行在倉皇權設政務處以綜

庶事公以軍機處領班兼政務處提調贊襄 密勿備著
勤勞先後歷官幾四十年掌財賦爲最久不封私殖不樹
黨援自守極嚴介然確然終其任無一事呈吏議者辛亥
變起朝局紛更改授弼德院顧問大臣會遭國變退隱滬
上蕭然一室如老諸生家無餘財至鬻宅自給始公在戶
部柄臣某思結公遣所親求爲昏媾公婉卻之退而告人
曰非吾耦也其識度操
守如此卒年七十有五

題費珣卿廣文小滄桑館

君自嚴瀨歸栖栖感滄桑歸來營田園命名識勿忘山河忽變
色天地爲低昂由來黍離痛百感結中腸右軍誓墓文詩人免
爰章一讀一悽酸中夜起徬徨同此惻惻懼發歌歎迷陽物情
有衰歇理亂亦尋常譬之旦暮閒昏昏覺夜長儒業日以敝洪
瀾日以狂舉首問青天天意亦蒼茫

鄭貴涵

字有容號友蓉晚號養甫慈谿
人光緒乙亥恩貢本科舉人

鸚鵡洲弔禰正平墓

北海曾誇命世才一抔江上令人哀當筵作賦終成讖飲恨曹

瞞假手來

張宏訓

字聽彝慈谿人斯安從子光緒乙亥舉人官戶部郎中改授江蘇候補直隸州知州

張肖菴太史母李太孺人

旌節恭紀

儒者無取報應說謂冥冥中重守節潛德果然發幽光吾乃益信天可必阿母貞操比松筠不歷冰霜不見真鍼衛生涯門戶計眼前歷歷皆苦辛有子蘄然露頭角挑鐙夜半課誦讀涕泣誥誡何諄諄過庭遺訓宜三復少多疾病弱不支無錢足供藥餌資輾轉圖維計安出典衣尚恐兒聞知鞠育至於成人日拮据爲兒謀家室望兒讀書終有成母心曷嘗稍暇逸一旦奪得錦標歸寸草差堪酬春暉卽今祿養恨不逮寵誥亦增泉壤輝高才自能取青紫苟無母兮將何恃須知有穀貽厥子作善降祥理如此此正可以觀天咫

張鴻遠

原名汝纓字簪卿號小嶽鎮海人錫申子光緒乙亥舉人

家傳略公性孝友幼失恃作思親篇悲惻動人樸訥好學工詞章嘗主講石浦金山書院年八十猶手不釋卷

秋草

百年身世歎飄蓬望裏萋萋幾處同葭菼淨連秋水碧靡蕪遠帶夕陽紅埋來石馬悲秦冢泣向銅駝惜漢宮一抹青山愁不斷江南江北總西風

校書六詠

錄二

校殘斷簡手停披缺憾多多幾費思室遠懷人詩語脫童來求我易詞遺續貂大筆才誰擅飽蠹何時迹可疑漫效程門能補傳諸儒聚訟亦難辭

脫簡

雌霓莫剖意茫茫誤處相沿笑大方杖杜傳訛慚藝圃離黎刊謬讓書囊通儒猶有知三豕淺學何能辨四羊桐馬滋疑真儉腹停車欲問費平章

誤字

孫貽謀

字燕庭號圍香定海人光緒乙亥副貢

湯濬翁洲詩徵稿先生由副貢授教職歷署東陽建德等縣教諭生平著述頗富有論語經證四卷遂人匠人溝洫考一卷東齋經義四卷數典一卷說圍一卷述古存草六卷成仁祠備錄三卷昌國續詠三卷重桂堂文鈔二卷詩卷二

同歸域弔古

濤春風撼聲斷續萬節千忠同一哭非關惜死作啾啾但恨大
事付東流監國南來開宮殿帝胄遙遙延一綫八閩兩浙空逐
鹿且向海東爲雌伏大兵決計下舟山貔貅百萬出蛟關蛟關
之外有人守蕩湖水戰稱能手天反風兮復作霧從此舟師得
飛渡孤城坐困如卽墨羽書一到齊努目提戈登陴嚴晝夜相
持十日不能下詎料二人有貳心縋城出降邛與金反顏獻計
作鄉導西北緣山竟直搗礮聲如雷矢如雨安洋將軍難支柱
將星俄殞失長城部下巷戰肯偷生武臣旣亡文臣死雪交亭
上明素志宮中有井爭躍入妃嬪後先如不及蹈刃投繯赴烈

炬無分大小況男女闔城慷慨効孤忠田橫五百未足同屍積
山邛血滿地蓬蘢叢中長委棄參軍見之心惻然運諸郭外骨
萬千龍峯高阜衰草綠掘坎窆藏一簣覆淋漓大筆題三字寒
食年年供墓祭我昔弔古到北邙滿目荒冢增淒涼未若茲域
鬱蒼蒼鎖山終古護幽光

張嘉祿

字肖庵一字受百鄞人光緒丙子舉人丁丑進士官至兵科掌印給事中

浙江通志稿嘉祿少孤貧節母李艱苦撫之成立通籍後
由編修改御史累擢掌印給事中記名繁缺道甲午中日
之役海軍燬疏劾北洋大臣直督李鴻章貽誤軍機請立
予罷斥並糾合臺諫劾軍機大臣禮親王世鐸等五人請
明正其罪又請斬依克唐阿衛汝貴龔照璵失律諸將皆
極切直語詳奏疏中又先後條陳戰守機宜及浙江防軍
虛額請嚴查均見采納復以浙省盜風熾請飭地方文
武員弁認真搜捕並參提督張其光及副將費金組等廢
弛溺職旋奉查辦降黜有差乙未馬關定約力爭不獲遂
乞假歸再入都奏兵輪管駕積習太深請選汰又請清查
舊存鎗藥以杜冒濫意大利兵艦至三門灣索租借地三
門灣者地當甯台之交爲浙東形勢要害乃上疏請自關
商埠以抵制之尋奉飭議己亥端王剛毅等用事欲有
所擁立將召九卿科道會議嘉祿方病宣言誓以死爭力

疾草疏事雖中寢而病遂不可爲在臺諫十年先後章數十上悉關安危大計而於羣吏欺罔之弊言之尤痛切抽查漕糧剔弊不稍寬假吏以千金進嚴斥之拏獲著名倉蠹次日卽送刑部及親貴請託至告以事已辦訖其風節如此以母苦節繪秋鎧課讀圖徧徵名流題詠彙爲寸草廬贈言精小學尤耽宋儒書不立朱陸門戶主講甯波孝廉堂鎮海鯤池書院造士甚衆性儉樸縕袍十年不易著有困學紀聞補箋十六卷奏疏二卷藏於家

賦呈徐吏部師二律

四朝碩輔重耆年壽宇祥開浴佛天
斗儀型符衆望蓬壺歲月領羣仙
進思益勵恭三命退食猶聞手一編
此日玉堂增掌故同舟勝侶是聯錢

師與菴師今年皆七十

憶自丁年問字來秋風鎖院復趨陪
文章鸞掖高聲價史筆龍門總鑒裁
人說歐陽爲士望帝知毛玠是公才
雲書備錫箕疇福玉軸金題煥斗台

題李梅塘司馬行看子

松圓蓋密竹參差翠袖香添綽約姿
好把珠簾斜捲起停雲待

月幾多時

笛聲低撼碧雲天一棹漁舟淺水邊楊柳風和波淡蕩有人清

聽破塵緣

蔡崇善

原名賢釗字勉庭鄞人光緒丙子舉人

夜泊吳江

對岸越山青孤舟泊小汀秋聲千樹葉螢火一天星人靜蟲鳴急風翻水氣腥怒潮來夜半使我夢魂醒

秋夜獨坐

獨坐黃昏後惟聞蟋蟀鳴窗虛看月上境寂覺涼生露重衣疑溼風多葉有聲孤燈誰是伴相對近三更

朱炳蕃

原名允衡字晉卿號椒石鄞人光緒丙子舉人著有它石山房詩稿

春暮有懷東洪復齋

別又經時久相思意倍親蒼茫春樹遠撩亂落花新濁世逢多

難衰年戀故人何時同策杖出郭問漁津

贈梁蓮湖駕部

潦倒衡門客幽居結古歡
枌榆文獻在讎校寸心殫
座列瓊瑰

譜身登騷雅壇殺青應有日
翹望嶺雲端

君近方校勘續甬上者舊詩謂印資須得

同鄉之宦粵者覆書方可集事故末句及之

贈別禪定上人

無限傷心淚茫茫付逝波
家鄉隔雲樹身世託維摩
豈有匪風思愁聞及溺歌
荆榛猶滿目歸意竟如何

春日偶題簡王勉齋學博揚州

春風幾日盪澄波天末懷人悵
若何雲樹蒼茫前渡合煙花
迢遞隔江多愁深漫奏吳趨曲
世亂頻聞楚塞歌

時方用兵荆楚故云爲問

廿橋明月夜可曾聽徹玉簫和

六月二十八日費冕卿

紹冠

招同洪復齋童錫山李九香

高雲麓鄭研古讌東城酒樓卽事有贈

臨街高館矗層樓舊侶招邀恣勝遊四面雲山羅檻牖千家鐙
火爛城陬譚深祇覺朋樽洽坐久全教溽暑收慙愧龍鍾增老
態篋輿穩送水西頭

余寓月湖西畔席散費君以所坐藤輿送余歸故云

和王勉齋維揚客次偶成原韻

錄二

聞道蕪城九陌通樓臺煙雨畫圖中傷心不獨參軍賦草草興
亡六代同

文選樓空賸佛堂天甯寺古耀奎章

聞純廟南巡賜額猶存

平山堂圯風

流盡零落殘碑送夕陽

平山堂屢經修復近又荒廢

凌昌聲

字遴甫鄞人行均子光緒丙子順天舉人官餘杭教諭

題費瑚卿廣文小滄桑館

遠山近水境偏幽花竹迴環綠蔭稠最是登樓遙望處瀧岡鬱

鬱見松楸

君先塋距館不數里

育材里塾早經營木鐸餘風倍有情一任人閒陵谷變蒙泉剝

果自生生

館中附設
蒙春義塾

俞斯琮

字子黃慈谿人同治乙丑補行
辛酉科優貢光緒丙子舉人

慈谿縣志斯琮行誼端謹早喪父母謹事
兄嫂授徒脩脯不自私鄉里稱其友愛

題馮谿橋妹壻攜琴訪友圖

竹松深處板橋橫興至時攜綠綺琴何必成連來海上一谿流

水足移情

張斯縉

字紳伯號笑孫慈谿人光
緒丙子舉人官內閣中書

飲雪軒文稿墓志略君為耐仙先生子淵源家學文譽翔
甚由舉人入貲為舍人供職未久而歸先是耐仙先生在
杭既葺治張忠烈公墓有志勅建慈谿試館未及經始而
歿君卒與先兄次湖廣文協力成之東鄉五眼磯久圯病
農承先志出貲修復邑志纂修未成病亟猶倦
倦斥二千金為助其好義類如此卒年五十三

敬題張節母李孺人行述後

松柏具本性嚴辰葆其常幽蘭秉素質空谷播其芳賢哉隴西

君清節喻冰霜矢志一何貞大義希共姜丹穴利難覓青陵恨
彌長四壁縱蕭然幸有楹書藏一息藐諸孤課讀寒檠旁咽丸
兼畫荻式穀謀允臧叔寶幼多病相對恆憂惶欲問軒光竈醫
藥債誰償恃有刀尺計換得刀圭量撫育至成立辛苦蓋備嘗
出手喜得盧鳴鹿歌於鄉西笑入長安金馬而玉堂養親親不
待銜恤痛心腸春暉今已矣慈訓胡能忘爲撰黃門集幸增彤
史光傳之千萬古闡範肅珩璜

馮一梅

字夢香慈谿人光緒丙子舉人著有述古堂詩集

馮昭適撰傳略族祖夢香先生既補諸生僑寓杭州讀書
詁經精舍德清俞蔭甫先生故名宿先生事之久經說史
義往復辨難恆得奧妙巡撫楊公昌濬聞其名辟爲浙江
官書局總校嘗上刻古書諸議爲時所重主講衢州正誼
西安鹿鳴鎮海鯤池餘姚龍山新昌鼓山諸書院甯波辨
志精舍輿地齋長盡心評隲士論推服爲山陰徐氏編定
紹興先正遺書成古越藏書樓書目二十卷纂修龍游縣
志凡五十卷性好蓄書脩脯所入見書盡鬻之講學不立
門戶以實踐爲歸研經之餘尤喜治老子黃帝內經算術
亦多心得著有老子校勘記二卷老子釋文校勘記一卷

內經校勘記四卷述古堂經說
三十卷詩十卷譯學芻論一卷

題余紀堂巖山小隱圖

南山神脈蟠蒼龍玉削萬朵青芙蓉結茆築廬隱於斯繞屋面
面皆奇峯而沉堂構承先澤趙宋猶能溯遠宗桃源避世謝塵
俗葛天遺民追羲農仙骨古心癖泉石春風杖履開霽容嵐光
撲衣翠欲滴飛瀑濺珠聲淙淙我亦素聞巖山名欲乘籃輿訪
高蹤合坑馬府尋水源兼遊磔上披蒙茸金絲嶺路探楓林先
賢名蹟起敬恭校訂遺編詢耆獻更當欣與君相逢

謹擬浙江官書局重刻古醫書目畢附記一詩

救時自有返魂丹當軸何心冷眼看獻策都門雖倦往棲身天
祿忍偷安矧勞下問垂青盼倘展微長免素餐但恨小臣精力
薄受知深恐踐言難

題洪小笠先生竹下弄孫圖小影

錄一

四明清詩略編卷四
扇影衣香幾度秋蕭蕭寒玉碧雲流渭川消受清閒福權拜山

中萬戶侯

胡啟燾

原名開浩字詩翰慈谿人光緒丙子舉人官新城教諭

贈費丈曼書

小厯紅羊劫頻年始解兵江流何轉徙岸谷太紛更作賦思庾
信論居善衛荆利名心不競泉自在山清

洪維修

字允六號雲麓慈谿人觀子光緒戊寅歲貢

題族弟也坡小影

抱將綠綺琴來對青琅玕一彈復三歎悠然成古歡惜無嵇叔
夜難譜廣陵散又無王子猷握手同清玩我道不如攜向海上
遊知音自有鍾期投高山流水奏絕調卻勝終日悶對瀟灑侯

陳受頤

字尺珊號補堂鄞人光緒己卯舉人癸未進士改庶吉士散館授福建長樂知縣歷任閩晉江泰甯縣事

余瑞庭軍門攀轅集題辭